

越縵堂日記

第二十二冊

桃萼聖解齋日記甲集第二集

起甲戌十二月



同治十三年甲戌冬十二月庚午朔曜風至傍晚稍止

讀後漢書 是日

市中所亭錢鋪復開予之錢票盡取得錢矣此又非望之喜也 夜風
讀後漢書

初二日辛未曜

滌紫泉來尚臥不見

作書致殷夢庭并寄夕

所誤鄭姬墓志

是日付米錢五十千冬至雞豚錢二十千 岑福工食錢

六千 更夫兩月工食錢七千 橋脯之食錢十二千

魯芝友來夜談

邱鈔

命李鴻章為文華殿大學士

由武英進

文祥為武英殿大學士

由體仁進

寶璽為體仁

閣大學士

初三日壬申晨敕睡上午露下午醒 鬢頭 丹月印結局必費銀

十五兩五錢換得票錢二百五十付石炭錢五十千陳媪工食錢五千
奉福月賞錢二千 校晉書儒林傳一卷文苑傳一卷外戚傳一卷

至夜三更數

郎鈔

詔初六日再遣恭親王奕訢詣 大高殿恭代祈雪時應官等仍分遣

諸王

初四日癸酉醒有風午後止

郎鈔

詔已故廣東鹽運使鍾謙鈞循聲卓著著湖廣兩廣各督撫即將該故

真事迹查明咨送國史館立傳從左宗棠奏請也

初五日甲戌曜 終日酬應無謂筆墨作片致孫鏡江殷夢庭
晚為張硤民邀食宴賓齋夜歸

郎鈔

兩江總督李宗義奏病勢日增懇請開缺調理 許之以江西巡

撫劉坤一署理兩江總督以江西布政使劉東璋署理江西巡撫

江南鹽巡道鄧裕功同知歸部銓選以李宗義劾其頗有嗜好不

知振作也鄧裕功湖北監生家以販鹽積資久居京師自領部百萬於海賭博交通賄賂無賴之流也故總督且優容之兩年有餘至商人許其優恤公等始撤任數實責其補完方事動降外官護庇十九如是若宗義若補為不徇情面若矣

以翰林院侍講學士錫珍轉補侍讀學士以左春坊左庶子特亮為

翰林院侍講學士

是日酉刻

上崩年十九歲先是十一月朔太白貫日 上即以是日痘發偏體蒸灼內

廷五大臣入問狀請 上權亭萬幾

兩宮皇太后裁決庶政 上許之於是御前大臣軍機大臣等列議四事以

上其一政引見為驗放如初垂簾故事識者已惡其不祥未幾以痘

痲將結遂先加恩醫官左院判李德玉右院判莊守和六品雜流官

也皆擢京堂德玉至鉞六級以三品卿候補尤故事所無者旋徧加恩

內廷諸王大臣至 先朝嬪御皆晉位號凡所施行俱如易代登極之典

又於大清門外結壇焚燒采帛車馬名曰送聖都人皆竊、私議以為

頗似大喪祖送也 上旋患癰項腹各一皆膿潰先十日已薨殆不

知人於是議太皇子而文宗無他子宣宗諸王孫皆尚少無有
子者日勒載治宣宗長子隱志郡王之嗣子也有二子幼者曰溥
侃生甫八月召入宮將立為嗣矣未及而上宴駕乃止宮廷隔絕
其事莫能詳也上幼穎悟有成人之度天性渾厚自去年親政
每臨大祀容色甚莊而弘德殿諸師傅皆帖括學究惟知勸錄講
章性理膚末之談以為啟沃故上深厭之不喜讀書狎近宦豎遊
幸導以嬉戲游宴莅政以後內務府郎中貴賓文錫與宦官日侍
上勸上興土木修園籞戶部侍郎桂清亮內務府好直言先
斥去之耽溺男寵日漸羸瘠未及再祺遂以不起宸哉

初六日乙亥曜作片致牧莊夢庭來牧莊來談至夜飯

後去 楊翰臣來不晤

邱鈔

博親王奕綜恭親王奕訢醇親王奕譞字郡王奕諲惠郡王奕詳貝勒載
治載澂公奕謨御前大臣伯彥訥謨祜奕劻景壽軍機大臣寶慶沈桂
芬李鴻藻總管內務府大臣英桂崇綸魁齡榮祿明善貴寶文錫弘
德行走徐桐翁同龢王慶祺南書房行走黃鉦潘祖蔭孫詒經徐郁張
家驥奉

慈安端裕康慶皇太后

慈禧端佑康頤皇太后懿旨醇親王奕譞之子載灃著承繼

文宗顯皇帝為子入承大統為嗣皇帝

年甫四歲以辛未六月壬子合時生

皇帝詔曰朕蒙 皇考文宗顯皇帝覆載隆恩付畀神器冲齡踐阼
寅紹丕基仰蒙 兩宮皇太后垂簾聽政宵旰憂勞嗣奉 懿旨命朕
親裁大政仰維 列聖家法一以敬天法 祖勤政愛民為本自維薄德
敢不朝乾夕惕惟日孜孜十餘年來雖幸官軍所至髮捻各逆次第削平
滇黔關隴苗匪回匪分別剿撫俱臻安靜而兵燹之餘吾民瘡痍未復每
一念及寤寐難安深宮兢惕之懷當為中外臣民所共見朕體氣素強本
年十一月適出天花加意調攝乃適日以來元氣日虧以致彌留不起豈非太平
顧念統緒至重亟宜傳付得人茲奉 兩宮皇太后懿旨醇親王奕譞之子
載祐著承繼文宗顯皇帝為子入承大統為嗣皇帝嗣皇帝仁孝聰明必
能欽承付託 天生民而立之君使司牧之惟日天憂勤惕厲知人安民永保

我丕基並孝養兩宮 皇太后仰慰 慈懷兼願中外文武臣僚共矢
公忠各勤厥職用輔嗣皇帝致隆之治則朕懷藉慰矣喪服仍依舊制二
十七日而除布告天下咸使聞知

兩宮皇太后懿旨 皇帝龍馭上賓未有儲養不得已以醇親王奕譞之子
載灃承繼 又宗顯皇帝為子入承大統為嗣皇帝俟嗣皇帝生有皇
子即承繼 大行皇帝為嗣

嗣皇帝諭曰本月初五日酉刻 大行皇帝龍馭上賓朕親奉

慈安端裕康慶皇太后

慈禧端佑康頤皇太后懿旨入承大統搶地呼天攀號莫及伏念 大行皇

帝御宇十有三年祇承 家法上稟 慈謨簡任親賢削平巨憝民生國

計時繫宸衷凡有血氣者悲宸感德罔不出於至誠朕之泣血椎心尚
恐言乎惟思付託至重責在藐躬尚賴內外文武大小臣工共矢公忠弼予
郵治各直省督撫務當撫輯斯民以仰慰 大行皇帝在天之靈至喪
服之制 大行遺詔令依舊制二十七日而除朕心實所不忍仍當恪遵古
制敬行三年之喪其天下臣民應持服制仍照定例行將此通諭中外知
之

兩宮皇太后懿旨命醇親王恭親王醇親王科爾沁博多勒噶台親王伯彥
納謨祜貝勒奕劻固倫額駙公景嵩大學士寶麟吏部尚書英桂禮部尚
書靈桂工部尚書李鴻藻恭理喪儀

兩宮皇太后懿旨李德立莊守和均撤銷京堂該管去頂翎

詔敬遵道光二十六年三月 皇祖宣宗成皇帝諭旨以二名不編諱將御

名上一字仍舊書寫無庸改避下一字缺寫末一筆書作湑字

詔仍遵成例各省將軍督撫都統副都統提鎮城守尉盛京侍郎奉天
府尹西北兩路將軍大臣及學政鹽政織造關差等均不必來京叩謁

梓宮

初七日丙子曜敷餘 殷芻庭送來廣東新刻四庫總目一部即

復書將去文字一通

邱鈔

兩宮皇太后懿旨惇親王奕誼等奏請撤銷前次恩賞一摺所奏出於至誠
著照所請所有十一月十五日加賞該王大臣等恩旨著即撤銷其王公及京

外大小官員所賞加二級一併撤銷

兩宮皇太后懿旨本日據醇親王奕譞奏舊疾復發懇請曲賜衿全一摺
情詞懇摯出於至誠應如何酌理準情折衷至當之處著王公大學士
六部九卿悉心妥議具奏

初八日丁丑晨教哩上午後霽

潘孺初來偕去予雜文三冊 硃

民來言已送館爛胡胡李氏

夜校晉書前涼張軌傳至張駿傳

止 閱四庫總目經部書詩類及子部小說類

邵鈔

詔本日據王公大學士六部九卿等奏請籲懇兩宮

皇太后垂簾聽政一摺朕恭呈 慈覽欽奉

慈安端裕康慶皇太后

慈禧端佑康頤皇太后懿旨覽王大臣等所奏更覺悲痛莫釋垂簾之舉本屬一時權宜惟念嗣皇帝尚在沖齡時事多艱王大臣等不能無所秉承不得已姑如所請一俟嗣皇帝典學有成即行歸政

詔 大行皇帝宜上尊謚廟號著大學士九卿詳察典禮敬謹具

奏

兩宮皇太后懿旨三海一切工程無論已修未修均即行停止

兩宮皇太后懿旨御史余上華奏請將醫員李屏斥治罪一摺 大行皇帝天

苑李德立等未能力圖保護厥咎甚重太醫院左院判李德立右院判莊守

和均即行革職戴罪當差

詔直隸通永鎮總兵周得勝照總兵在營積勞病故例議卹從李鴻章奏請也以
唐王廉為通永鎮總兵

初九日戊寅曜

校張重華傳至張天錫傳一卷訖又校西陳武

昭王李嵩傳一卷

閱四庫總目史部正史類編年類

卹鈔

詔改元光緒

初十日己卯曜風

校晉書孝友傳一卷忠義傳一卷孝友傳中如

劉殷王延後皆仕於劉聰王伯厚以為譏然晉人如王祥何曾荀顗皆
傳至孝而皆不忠於魏曾顗至佐晉以傾魏於殷延何責焉祥與延
皆為後母所虐皆有盛冬求魚得於父上之事而延能死劉氏斬準

之難效子胥抉目之言較之休徵加一等矣 嵇紹與王裒不可同
年語也裒父儀雖為司馬昭所殺然裒本昭之司馬因軍敗不自請
罪而反歸罪於昭因以致死非不順昭者也裒本可以仕而不肯仕所
以為孝也紹父康則以不黨司馬氏而死紹之所處當與諸葛靚同
觀靚之事則紹必不可為晉臣矣山濤勸紹以仕此竹林之續風清談
之結習也紹孝以一死蓋之既仕則宜死也晉書以裒入孝友以紹入忠義
而論中以兩人並衡謂趣異而理同又引左傳天可譬乎之言非也守父之
志而不仕安得謂之譬乎 嵇含之弔莊周文可為破一代之膏肓續
末流之毛髮與王沈之釋時論魯褒之錢神論皆有晉之著龜也孝
世不綱險詖傾倒千古一轍讀之可歎

十一日庚辰曜

寒甚右手五指皆瘃裂不能校書擁鑪坐聽事

南榮梳頭閱四庫總目小學類

夜校晉書王遜至宋序傳一卷

遜以功名終未嘗敗衄不當入此卷中羊鑒一無事迹惟有討徐龕一事不足為傳也

郎鈔

詔列聖尊謚未加至二十三字

列后尊謚未加至十六字者均應恭議尊

崇該衙門詳稽典禮敬擬奏聞

詔各省督撫鹽政織造關差停止貢獻方物俟三年之後再候諭旨

詔沈葆楨等奏請將福建巡撫移劄臺灣以專責成一摺著該衙門議

奏

部議如所奏得旨允行

前任湖北巡撫曾國荃應召至京

十二日辛巳曜 校晉書陳壽至習鑿齒傳一卷顧和至王雅傳一卷 是日付盆花支架錢一千白灰火鑪錢一千八百

邱鈔

詔署兩江總督劉坤一兼署辦理通商事務大臣

十三日壬午曜酉初三刻十二分大寒十二月中

校晉書王恭

至楊佺期傳一卷劉毅至魏詠之傳一卷

晉書劉毅傳載毅

罷江州軍府之奏下云於是解悅毅移鎮豫章悅者庾悅也按宋書

庾悅傳作解悅都督將軍官移鎮豫章宋書是也移鎮豫章者乃

悅而非毅悅本以建威將軍兼督豫州司州等六郡為江州刺史治